


Programma Quo Rector Universitatis Rostochiensis Hermannus Lembke ... Ad Exequias Quas ... Catharinae Schmides/ Maritus moestissimus, Vir ... Cunradus Schuckman/ I.U.D. & Vicarius ... parabit; Omnes omnium Ordinum Cives Academicos ... invitat : [P.P. Rostochi[i] sub Sigillo Academiae, Die 6. Iunii Anno 1655.]

Rostochii: Kilius, [1655]

<http://purl.uni-rostock.de/rosdok/ppn777425610>

Druck Freier  Zugang



Lembke, H.,
in
Cath. Schmid,
uxor. C. Schuckman.
Rost.(1655.)

PROGRAMMA

quo

RECTOR

Universitatis Rostochiensis

HERMANNUS Lemble/

J. U. D. & Cod. Prof.

Ad Exequias

quæ

Uxori desideratissima, beatissima,

CATHARINÆ Schmides/

Maritus moestissimus,

Vir Amplissimus, Consultissimus,

DN. CUNRADUS Schuckman/

J. U. D. & Vicarius Facultatis Juridi-

cæ Professor,

Hodiè horâ 1. pomerid. in Templo Jacobeo

parabit;

Omnes omnium Ordinum Cives Academicos
sedulò & amanter invitât.



ROSTOCHII,

Typis Heredum NICOLAI KILII, Acad. Typ.

169.



um omnia DEI opera magna profectò
sunt, summâq; admiratione dignissima;
tùm haud scio, an post redemptionem &
sanctificationem nostri, ullum sit admira-
bilius & majus Conjugio, quod in legitimâ
& indissolubili unius maris, & unius fœminæ conjuncti-
one ipse ordinavit & sancivit, ad conservationem & pro-
pagationem generis humani adhuc integri, & ad devi-
vitandas libidinum confusiones, ejusdem in peccatum
prolapsi: ut indè, castam JEHOVA mentem esse, agno-
scamus, eidemq; in castitate serviamus: quin & onera
domesticæ gubernationis tantò commodiùs exantle-
mus. Hujus boni amplitudinem spectandam nobis pro-
ponit Scriptorum omnium, quotquot unquam fuere,
antiquissimus, idemq; θεοφιλέστατος MOSES; & non suo
quidem, sed ipsius DEI ore, cujus consilium & decre-
tum refert, priusquam ex costâ Viri conditæ mulieris hi-
storiam describat; tandemq; conjugii institutionem
huic ipsi subnectit. Postquam enim commemorârat, in
omni genere animantium, sive in terris ambulantium,
sive in aëre volitantium, paria fuisse; soli Viro compa-
rem defuisse, huncq; defectum ad conservandam spe-
ciem noxium summoperè visum fuisse DOMINO; sta-
tuisse eundem, addit, dare ei auxilium, & quidem tale,
quod foret tanquam *Coram ipso*: quâ phrasi, Spiritui S.
peculiari, præter substantiæ similitudinem, denotare
voluit individuum vitæ societatem & cohabitationem
amabilem, hujusq; ducem & perpetuos comites. Dux
imò parens est amor & benivolentia mutua, quæ facit,

UL

ut uxor mariti conspectum amet & exoptet, & maritus uxoris vicissim: Comites sunt fides sincera, ut conjuges sint iidem absentes, qui praesentes; & voluptas utriusque ex conspectu amabili & fide sincerâ emergens, unâ cum utilitatibus & commodis innumeris, quæ alter alterius ope capiat tam in bonis, corporalibus æquè, ac spiritualibus, procurandis, quàm malis averruncandis. Cæterum, quò jam svavior est tanti boni, h. e. conjugialis amoris fructio; eò acerbiorè rupturâ ejusdem esse, dubitare nulli possumus. Adeòque quanto nunc in luctu atque dolore versetur Vir *Clarissimus ac Consultissimus* Dn. CUNRADUS Schuckman/J. U. D. ejusdemque; Vicarius Prof. Affinis & Amicus noster honorandus; dum svavissimâ sibi suam ac dilectissimâ Conjugem, CATHARINAM SCHMIDIAM, præproperâ ac inopinâ morte ademptam cernit, facile profectò intelligere est. Prima sese, quantum meminimus, *Puerpera* offert, quæ hunc officii nostri laborem exigat; quem profectò illubentius hucusque aut tristiùs funeri impendimus nulli, quam isti. Nata est hîc ROSTOCHIA Anno 1633. die 21. Augusti, mediâ circiter noctem; ac 25. ejusd. mensis per sacratissimum Baptistini lavacrum regenerata, CHRISTOQUE & Ecclesiæ ejus insita. Patrem habuit Virum *optimum* atque *integerrimum* Dn. NICOLAUM Schmidt/Civem ac Mercatorem apud nos primarium; quin & Sedecimvirum ac Ædis Marianæ præfectum; pium ac munificum hominem; ante hos jam 8. annos denatum. Matrem, *honestissimam ac castissimam* Matronam, ANNAM Westphals. Avus Paternus fuit BALTHASAR Schmidt/Civis nostras

præstantissimus, Anno 1593. defunctus. Avia Paterna,
MARGARETHA Engelcken. Avus Maternus extitit
Vir Reverendus & Clarissimus Dn. M. JOACHIMUS
Westphal/ Ædis Jacobæ Pastor quondam, ac vene-
randi Ministerii hujus Superintendens præclare meri-
tus; qui Anno 1624. mortalitatem suam deposuit. A-
via Materna, MAGDALENA Krawels. Quum jam
renata per Baptismum, uti diximus, esset CATHARI-
NA nostra, deinceps unâ cum Sororibus WENDULA,
Dn. JOHANNIS Dandwerts/ Uxore; ac Virginum flo-
re, ANNA; uti & unico Fratre NICOLAO (*Stockholmia*
in Sveciâ nunc degente) à Parentibus in timore Domi-
ni, vitæq; sanctimoniâ educata; ipsaq; vicissim istos, uti
&, per Dei gratiam, etiam nû superstitem, lectissimam ac
sexus sui virtutibus ornatissimam fœminam, ANNAM
Harmes/ quæ profectò non tam vitrica, quàm germana
potius ei in omnibus mater extitit, debito amore atq;
obsequio prosecuta est. Virgineâ conditione statûq; non
in publicum identidem, ut puellarum quarundam mos
est, procurrit, sed, nisi, cum suis, sacris interesset con-
cionibus, domi semper visa est, ac laborando, pieta-
temq; precibus, cantibus, verbi divini meditationibus,
atq; lectionibus exercendo, tempus horasq; suas in-
sumpsit. Nubilis facta, singulari DEI providentiâ An-
no superiori 1654. II. April. quem jam ante nominavi-
mus, Dn. D. CUNRADO SCHUCKMANNO juncta
est. Durante conjugio, prægnans, divinâ præeunte be-
nedictione, facta, ipso non ita pridem præterito Ascen-
sionis Domjniceæ festo, h. e. 24. Maij circum vesperam,
quum

quum matutinam ejusdem diei concionem ingenti antequam, ut semper solebat, desiderio, maximamque animi attentione audisset, svavissimum filiolum enixa est, cui mox in sequenti Dominica *Exaudi* sacer Baptismus collatus, nomenque HENRICI inditum est. DEUS eum sospitet, suoque ipsius honori, moestissimi Patris, Avique, ut & cæterorum cognatorum solamini atque gaudio superstitem diu velit. Cæterum quamvis jam proles feliciter edita, viresque *Puerpera* sic satis bellè habere viderentur, nihilominus tamen Lunæ die post dictam *Exaudi* Dominic. horis pomerid. intensissimo eoque ardentissimo morbo divinitus correpta est, cui non levi post partum certamini seriâ penitentiam, & præclarâ fidei suæ confessione, unâ cum studiosissimis precibus sese præparavit, interque cæteras, has prolocuta voces est: *Misereberis mei, O DEUS; peccatorum meorum oblivisceris; iniquitates omnes meas in profundum maris abiicies.* Deindeque porro selectissimis quibusque ac variis Sacræ Scripturæ sententiis semetipsam erexit atque consolata est. Hoc tam arduo ac difficili tentamine superato, factum est, uti securis Martis Mercuriique diebus haud obscure rectioris valetudinis quid recuperatura videretur. Sed die Jovis serpere rursum malum, ac Pentecosten proximè præcedentibus Veneris ac Sabbathi diebus, usque adeo augeri cepit, ut quantumcumque Medicorum conamina nil contra valuerint. Sed hinc mirum ac profus divinum quid accidit. Scilicet, quantumvis cum perpetuo morbo luctaretur, & capite vehementissimè laboraret, identidem tamen respirare visa est; Marito, con sanguineis, cæterisque præsentibus, partim ipsa sonorâ

voce canere ac precari orsa, partim, quas alii fortè
cantiunculas præirent, repetiit, ac expressissimo A-
MEN clausit. Inter cætera Orationem Dominicam;
Ps. 139. *Domine exploras me &c.* maxima mentis com-
matione non incepit tantùm, sed & finiit. Item verba
illa: *Sivè vivimus, sivè morimur, Domini sumus:* uti &;
JESU, Fili David, miserere mei; tam primis, quàm
etiam ultimis velitationibus, plus vice simplici, iteravit:
Quemadmodum etiam ultimas voculas Ps. 42. *Cur
tristaris anima mea;* &c. præeuntem Confessionarium
suum, Virum Reverendum & Excellentiss. Dn. JOAN-
NEM QUISTORPIUM, S.S Th. D. ac Profess. Col-
legam & amicum nostrum conjunctissimum; voce a-
nimoq; subsecuta est; in primis verò illud: *gratiam ei
habitura sum;* *Ich werde Ihm noch danken:* cum singu-
lari emphasi expressit. Ut cæteras divini Codicis sen-
tentias ac precatiunculas, quæ memoriâ teneri omnes
nequiverè, silentio involvamus. Brevi antè beatum
obitum preciosissimum JESU nomen aliquoties cla-
rissimâ voce in clamavit. Moxq; ac instante ipso jam vi-
tæ termino, Marito dilectissimo valedicente ac præeun-
te ipsi: *Herr Jesu Christ wahr Mensch und Gott ic.*
singulari motu corporis, manuumq; extensione, quan-
to in illa omnia desiderio ac assensu ferretur, contestata
est. Undè pellucet, quanta Sacratissimi Spiritus vir-
tus atq; efficacia in Puerperâ, vel mediâ morte, &, si
externa spectes, horrendâ ac lamentabili luctâ, extite-
rit. Ut profectò Deus singulare pietatis exemplum,
in hac JESU CHRISTI pugnatrice, non circumstan-
tibus

tibus saltem, sed & nobis omnibus proposuerit. Enim
verò quandoquidem totâ vitâ, imprimis verò, brevi
quidem, sed ab utrâq; parte fidissimo tamen ac amicis-
simo conjugio, veram sese Christianam, DEIQ; ac ver-
biejus studiosissimam præstaret; erudiri se ex hoc ipso
verbo divino maximo mentis prolubio pateretur;
quem animâ ipsâ suâ DEI amorem fundaverat, lacrymis
ostenderet; meditationi ac considerationi Sacræ Scri-
pturæ, in simulq; sanctissimis precibus manè ac vesperî
gnaviter devoteq; vacaret; Maritum (qui in pietatis
ac virtutum exercitio nunquam illi secundus) eo, quo
par erat, amore complecteretur; venerandum Socerum,
DN. HINRICUM SCHUCKMANNUM,
J. U. D. Cod. Prof. celeberr. Virum de Academia no-
stra præclare meritum; quum nil, nisi paternum ani-
mum amoremq; in eo sentiret, vicissim, ceu mori-
geram nurum decebat, veneraretur; erga cogna-
tos, & quoscunq; alios singulari humanitate ac
reverentiâ uteretur; & præterea etiam fidem suam
charitate ubiq; demonstraret: quandoquidem, in-
quam, his studiis totam sese Beatissima addiceret, fieri
certè non poterat, quin mercedem pro labore ferret,
graviq; ac grandi martyrio, DEO ita volente, corona-
ta, ad omnimodam perennemq; felicitatem elevaretur.
Itaq; per continuos sex dies vocationis suæ laboribus
defatigata, ipsâq; Pentecostali nocte placidè in Domi-
no, quum annorum esset 22. obdormiens, gloriam tan-
dem istam, quæ competebar, reapse consecuta est;
post-

postquam in ipsa Paschatos solennitate, quum partus
tempora imminere sentisceret, Corporis & Sangvinis
Dominici sanctissimis Epulis sese, cū suis, refecisset. DE-
US, quoscunq; eximiae atq; elegantissimæ famellæ obi-
tus dolore ac tristitiâ afficiet, Solatore Spiritu Sancto so-
letur; Viduum cum primis moestissimum ac afflicti-
simum; cui eò hæc, quam in optatissimâ conjugē in-
speratissimam jacturam fecit, acerbior procul dubio
existet, quò vehementior solidiorq; inter utrumq; a-
mor fuit.

Quia autem corporis exuvia hodie ad ho-
ram I. nostræ omnium matri, terræ, mandabuntur,
adeste, quæso, Cives Academici, ad id tempus in tem-
plo Jacob, funusq; comitamini. Magni id beneficii
loco numerabunt Dn. Viduus, Socer, Agnatis; quos
non levi fortè doloris parte levabitis, si frequentes ad
exequias comparueritis. Uti ergò eorum, qui ordinis
sunt nostri, nemo præstare renuat officium, studiosè ac
peramanter contendo. P.P. Rostochi sub Sigillo

Academiæ, Die 6. Junii Anno

1655.



tibus saltem, sed & nobis omnibus
 verò quandoquidem totâ vitâ, in
 quidem, sed ab utrâq; parte fidissim
 simo conjugio, veram sese Christian
 biejus studiosissimam præstaret; e
 verbo divino maximo mentis p
 quem animâ ipsâ suâ DEI amorem f
 ostenderet; meditationi ac confid
 pturæ, insimulq; sanctissimis precib
 gnaviter devoteq; vacaret; Mariæ
 ac virtutum exercitio nunquam illi
 par erat, amore complecteretur; s
 rum, DN. HINRICUM SCHU
 J. U. D. Cod. Prof. celeberr. Virun
 stra præclare meritum; quum nil, i
 mum amoremq; in eo sentiret, v
 geram nulum decebat; venerat
 tos, & quoscunq; alios singula
 reverentiâ uteretur; & præterea
 charitate ubiq; demonstraret: qu
 quam, his studiis totam sese Beatif
 certè non poterat, quin mercedem
 graviq; ac grandi martyrio, DE O
 ta, ad omnimodam perennemq; felicit
 Ita; per continuos sex dies vocat
 defatigata, ipsâq; Pentecostali noct
 no, quum annorum esset 22. obdorm
 dem istam, quæ competebar, re

rit. Enim
 erò, brevi
 ac amicis-
 q; ac ver-
 x hoc ipso
 ateretur;
 , lacrymis
 acra Scri-
 c vesperi
 n pietatis
) eo, quo
 um Socce-
 NNUM,
 lemia no-
 um ani-
 eu mori-
 a cogna-
 hitate ac
 em suam
 dem, in-
 eret, fieri
 ore ferret,
 , corona-
 evaretur.
 laboribus
 n Domi-
 riam tan-
 cuta est;
 post-

